

Kalsøyfisk AS
Bernt Ivar Berntsen
Kalsøy Fiskeri AS
Tinghaugen 90
5394 Kolbeinsvik
e-post: john_martin__998899@hotmail.com

Fiskeridirektoratet
postmottak@fiskeridir.no

HØYRINGSSVAR - DELTAKARFORSKRIFTA 2018 – EVENTUELL LUKKING AV FISKE ETTER LEPPEFISK.

Kalsøy Fiskeri AS, Kalsøyfisk AS, og Bernt Ivar Berntsen driv med fiske etter leppefisk, og har drive med dette fiskeriet sidan 2009. Reiarlaga eigd av far og fira søner. Alle er på blad B. Til saman har reiarlaga fem leppefiskbåtar.

Under fisket er det alltid to mann i kvar båt. I 2017 har reiarlaget leigd hjelpemenn i kortare periodar. Til saman er har reiarlaget hyrt fira hjelpemenn.

Som i all næringsverksemd generelt, og fiskeri spesielt, er det viktig med stabile rammevilkår. Ved ei eventuell lukking, av fiskeriet, må omsynet til stabile rammevilkår vega tungt. Dette m.a. av omsyn til alt gjorte investeringar.

Me forstår at biologiske omsyn kan føra til at fisket må lukkast. Det er likevel viktig å ta omsyn til fiskarar som investere i fiskeriet før 2017.

I pressemelding av 30. mai 2017 skriv Nærings- og fiskeridepartementet at «*Det er også besluttet at det ikke vil være aktuelt å lukke fisket etter leppefisk nå i 2017. For å unngå økning i deltakelsen i 2017 som utelukkende er motivert av et mål om å oppnå deltakeradgang ved en fremtidig lukking av fisket, er det likevel bestemt nå at ved eventuell senere lukking av dette fiskeriet vil deltakelse i 2017 ikke være kvalifiserende.*»

Selskapet meiner at dersom fiskeriet blir lukka, og fiskeri i 2017 ikkje blir kvalifiserande til deltakaradgang, må det vedtakast ein unntaksregel. Dette slik at fiskarar som kan dokumentera at dei har tinga nybygg i 2016 eller tidlegare år, men ikkje fekk nybygget før i 2017, får deltakaradgang.

Dette fordi desse fiskarane har investert betydelege beløp i fiskeriet, og risikerer vesentlege tap om båten blir utestengt frå fiskeriet.

Truleg gjeld dette berre nokre få reiarlag/båtar, men ein slik regel er svært viktig for dei få det gjeld.

Desse få reiarlaga har heller ikkje innretta seg «utelukkende ... motivert av et mål om å oppnå deltakaradgang ved en fremtidig lukking av fisket». Ein slik unntaksregel vil såleis ikkje vera i strid med føringa frå NFD.

Ein slik unntaksregel kan gjerne vera knytt til at fiskar alt er på blad B, og har erfaring frå fiske etter leppefisk. Dersom det blir stilt krav om at vedkommande alt er på blad B, får myndigheitene visse for at deltaking i 2017 ikkje var motivert av eit mål om å få deltakaradgang.

Ein ny leppefiskbåt kostar 2,5 – 3 MNOK, og det vil sjølvsagt vera svært negativt å ikkje kunne nytta slike investeringar i leppefiske.

«Fiskeridirektoratet ber om høringsinstansenes syn på å adgangsregulere fisket etter leppefisk ved å sette krav til fangstinntekt fra fisket etter leppefisk på kr. 50.000 eller mer i minst ett av årene 2014, 2015, 2016.» Me er einig i dette kravet.


Fiskeridirektoratet ber òg om «*høringsinstansenes syn på å sette som vilkår at eier av fartøyet og høvedsmann må være ført på blad B i fiskermanntallet for å kunne fiske leppefisk i en eventuell lukket gruppe.*» Me er einig i at det, ved ei eventuell lukking, bør vera krav om at eigar og høvedsmann er på blad B.

På siste sida i høringsbrevet skriv direktoratet at «*Sikkerhet for kvoten og forutsigbarhet er viktig.*» Me er einig i dette òg meiner omsynet til «*forutsigbarhet*» talar for at ved ei eventuell lukking må fiskarar på blad B, og som kan dokumentera at dei har investert i ny båt i 2014, 15, eller 16, få deltakaradgang sjølv om båten ikkje blei levert før i 2017.

Dersom fiskeriet blir lukka, og fiske frå fartøy i 2017 ikkje skal kvalifisera blir det bede om unntak for båtar som det kan dokumenterast var tinga i 2016 eller før. Det kan gjerne stillast krav om at eigar er på blad B, og kan dokumentera erfaring frå leppefiske.

Austevoll: 20.11.17

For
Kalsøyfisk AS
Bernt Ivar Berntsen
Kalsøy Fiskeri AS



John Martin Berntsen
Fiskar